



Broj: 01/14-11-7616-4/23
Sarajevo, 08.12.2023.godine

Informacija o Pregovaračkom postupku bez objave obavještenja o nabavci

U skladu sa članom 28. stav (4) Zakona o javnim nabavkama BiH („Službeni glasnik BiH“ broj:39/14 i 59/22) Grad Sarajevo objavljuje informaciju, a shodno članu 24. tačka a) Zakona o javnim nabavkama BiH da provodi pregovarački postupak bez objave obavještenja o nabavci za izvođenje dodatnih radova na sanaciji i restauraciji fasade stambeno-poslovnog objekta Beledija u ulici Brodac 4 i 6 u Sarajevu.

Grad Sarajevo je ranije zaključio Ugovor za izvođenje radova na sanaciji i restauraciji fasade stambeno-poslovnog objekta Beledija u ulici Brodac 4 i 6 u Sarajevu, broj:01/14-11-5198-3/23 od 20.08.2023. godine sa firmom Unigradnja d.o.o. Sarajevo.

Stručni nadzor nad izvođenjem predmetnih radova vrši konzorcij koga čine Smajić Inženjering d.o.o. Goražde i Bišina d.o.o. Mostar.

Prilikom izvođenja radova na sanaciji i restauraciji fasade stambeno-poslovnog objekta Beledija u ulici Brodac 4 i 6 u Sarajevu, uslijed nepredviđenih okolnosti, ukazala se potreba za izvođenjem dodatnih radova koji nisu bili uključeni u prvobitno zaključen ugovor, ali koji su postali neophodni za izvođenje predmetnih radova, i koji su istovremeno tehnički i ekonomski neodvojivi od zaključenog ugovora.

Neophodnost izvođenja dodatnih radova na izgradnji radova na sanaciji i restauraciji fasade stambeno-poslovnog objekta Beledija u ulici Brodac 4 i 6 u Sarajevu, potvrdio je i Nadzorni organ koji vrši stručni nadzor nad izvođenjem radova, svojim dopisom broj:914-U-23 od 15.11.2023. godine, zaprimljenim na protokol ugovornog organa dana 21.11.2023. godine.

Cijeneći naprijed navedeno, očigledno je da je u konkretnom slučaju neophodno provesti zakonske procedure kako bi se dogovorili radovi koji su neophodni za završetak ovog projekta, a koji se nisu mogli predvidjeti u vrijeme pokretanja predmetnog postupka javne nabavke.

Shodno odredbama člana 24.tačka a) propisano je da ugovorni organ, ugovor o javnoj nabavci radova može zaključiti nakon provedene procedure u pregovaračkom postupku bez objave obavještenja o nabavci u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji uslijed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ.

Takav ugovor može se zaključiti s izvođačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći iznos od 20% od vrijednosti osnovnog ugovora.



Imajući u vidu sve naprijed navedeno, ugovorni organ provodi proceduru javne nabavke putem pregovaračkog postupka bez objave obavještenja o nabavci sa izvođačem radova sa kojim je zaključen osnovni ugovor .

U cilju zadovoljenja konkurentnosti, zainteresirani ponuđači mogu preuzeti tendersku dokumentaciju za predmetni postupak, koja će biti postavljena na službenoj web stranici Grada Sarajeva.

Pozivi za dostavljanje zahtjeva za učešće, početne ponuda i konačne ponude bit će objavljeni na web strani ugovornog organa, i bit će dostupni svim zainteresovanim ponuđačima.

Gradonačelnica

Prof. dr. Benjamina Karić